

SOALAN LAZIM

PEMBUNGKUSAN

1. Berapakah ukuran atau dimensi bahagian luar kotak CoronaVac?

Dimensi karton luar (kotak dengan 40 vial) Sinovac adalah 156mm x 95mm x 44mm (LxWxH).

Maklumat tambahan : Kod bar yang terdapat pada atas kotak adalah Vaccine Management System (VMS) kod – yang dikeluarkan oleh MIMOS Malaysia – sebuah agensi kerajaan berkaitan IT, R&D dan teknologi. Setiap kotak mempunyai kod VMS yang berbeza.

2. Apakah tindakan yang perlu diambil oleh PTJ jika komposisi di dalam vial kurang atau lebih dari 0.5ml?

Kandungan CoronaVac bagi setiap vial adalah 0.52ml. Jika kandungannya didapati kurang, sila kemukakan aduan rasmi melalui emel ke contactcentre@pharmaniaga.com beserta gambar sample vial yang terlibat untuk siasatan lanjut.

3. Adakah CoronaVac dibekalkan dalam bentuk 'prefilled syringes'?

CoronaVac dibekalkan dalam bentuk vial dan bukan dalam bentuk 'prefilled syringes'.

4. Adakah CoronaVac dibekalkan dalam vial berwarna amber?

CoronaVac dibekalkan dalam vial lutsinar dan perlu dilindungi daripada cahaya matahari.

PENGUNAAN

1. Bila vaksin dimasukkan ke dalam picagari, berapa lamakah ia boleh bertahan?

Seperti maklumat yang terdapat di dalam sisip bungkus CoronaVac, vaksin yang telah dimasukkan ke dalam picagari perlu digunakan serta-merta.

2. Jika ada perkara yang tidak dapat dielakkan di mana administrasi tidak dapat dilakukan serta-merta, berapa lama vaksin di dalam picagari tersebut dapat bertahan?

Setakat ini, tiada data yang dapat menyokong kestabilan vaksin yang telah berada di dalam picagari. Adalah disarankan agar pemberi dan penerima vaksin telah bersedia sebelum vaksin dimasukkan ke dalam picagari.

3. Bagaimana cara untuk menggoncang vial sebelum digunakan? Adakah boleh menggoncangkannya seperti biasa ataupun hanya boleh digoncang secara perlahan sahaja?

Vial perlu digoncang secara perlahan untuk melarutkan mendakan. Setelah larut, vaksin boleh terus digunakan. Untuk maklumat lanjut, sila rujuk kepada Risalah Maklumat Ubat Untuk Pengguna (RiMUP).

4. Bolehkan CoronaVac digunakan terus selepas dikeluarkan daripada tempat simpanan ataupun ada tempoh masa yang ditetapkan sebelum digunakan?

Ya, CoronaVac boleh terus digunakan selepas dikeluarkan daripada tempat simpanan pada suhu 2-8°C.

5. Jika vial CoronaVac (belum dibuka) telah terdedah pada suhu bilik, adakah vial tersebut boleh disimpan semula pada suhu 2-8°C?

CoronaVac mestilah sentiasa disimpan pada suhu 2-8°C seperti dinyatakan di dalam sisip bungkus produk.

Walaupun bagaimanapun, pengilang telah menjalankan kajian stabiliti pada suhu 25°C & 37°C dan keputusan kajian mendapati bahawa pada suhu :
• 25°C : produk stabil selama 42 hari
• 37°C : produk stabil selama 21 hari

Jika vial telah terdedah pada suhu bilik **tidak melebihi tempoh di atas**, ianya boleh disimpan semula pada suhu 2-8°C.

PEMILIHAN JENAMA

Bolehkah saya memilih jenama vaksin / waktu semasa program vaksinasi nanti?

Vaksin yang akan diterima oleh seseorang individu akan ditentukan oleh pihak Kementerian Kesihatan Malaysia (KKM).

Sebaik sahaja anda telah mendaftar untuk menerima vaksin melalui aplikasi MySejahtera, anda akan dihubungi oleh pihak KKM bagi maklumat masa vaksinasi yang telah ditetapkan. Sila rujuk kepada aplikasi MySejahtera untuk maklumat lanjut.

SEKTOR SWASTA

Adakah CoronaVac akan diagihkan ke hospital / klinik swasta?

Pembekalan CoronaVac ke hospital / klinik swasta sedang dibincangkan oleh pihak kerajaan.

Sebarang pertanyaan dari pelanggan sektor swasta boleh ditujukan kepada Pn. Ida Marianna Abdul Rashid, Pengarah Perancangan Strategik melalui emel ida.rashid@pharmaniaga.com

KAD PERINGATAN VAKSIN

Bolehkah Pharmaniaga membekalkan tambahan kad peringatan vaksin?

Kad Vaksinasi tambahan tidak akan diberikan. Ini adalah selaras dengan arahan daripada pihak Bahagian Amalan & Perkembangan Farmasi (BAPF), Program Perkhidmatan Farmasi.

Jika terdapat keperluan, PTJ perlu mengemukakan permohonan rasmi melalui emel bersama justifikasi kepada contactcentre@pharmaniaga.com dan disalinkan kepada muhammadmz@moh.gov.my

Untuk maklumat lanjut, sila hubungi :

Talian bebas tol : 1800-888-313
Emel : contactcentre@pharmaniaga.com

Rujukan :

- Program Imunisasi COVID-19 Kebangsaan
- <http://vaksinovid.gov.my>
- Jawatankuasa Khas Jaminan Akses Vaksin (JKJAV)
- CoronaVac Package Insert (PI)
- Risalah Maklumat Perubatan Pengguna Coronovac
- Data Regulatori CoronaVac